

অন্তর্ভ্রমণ

অরুণপরতন বসু

আজ এই বসন্তের রাতে শেখরের ঘুম আসছে না। সে জেগে আছে। এত রাতেই স্টোভ জ্বেলেরে কফি তৈরি করল সে। কালো কফি, দুধ-চিনির ঝামেলা নেই। নিরুজ্জ্বল। আজ অনেক রাত জেগে সে বোদলেয়ারের ‘কারেসপন্ডেন্সেস’ কবিতাটি পড়ছে, ভেবেওছে। বোদলেয়ার ইঙ্গিত করেছেন, প্রকৃতি এক মন্দির, যার চারটি স্তম্ভ কথা বলছে রহস্যময় ভাষায়। মানুষ, সে-ভাষার মর্মোদ্ধার করতে পারে, প্রতীক আর চিহ্নের নির্বিড় অরণ্য ভেদ ক’রে, যেমন ভূতাত্ত্বিক, বনেজঙ্গলে পাথরের নমনুনা খুঁড়ে ভূস্তরের পাঠোদ্ধার করেন।

প্রতিধ্বনির যেমন ধ্বনি, তেমনই শব্দের পেছনে আছে নৈশব্দ্যের জগৎ, যেখানে চিহ্ন বা প্রতীক দিয়ে পৌঁছনো যায়। এমন শব্দ আছে যা শিশুর মতো নিষ্পাপ, মাঠের মতো সবুজ, বাঁশীর মতো মধুর; আবার এমন ধ্বনি আছে যা থেকে স্দুগন্ধ ছড়িয়ে পড়ে। শব্দ, রঙ, আলো আর স্দুগন্ধের ভিতর চলছে অবিরাম যাতায়াত; অনন্ত রাত্রির প্রান্তরে দূরাগত ধ্বনি থেকে প্রতিধ্বনি, এক বিশাল আলিঙ্গনের ভেতর অবিরাম যাতায়াত ক’রে চলেছে। এইসব শব্দেই আছে কবিতার রহস্য। বাড়ি, রাস্তা, সমুদ্রোপকূল, ঢেউ, গাছের সার,—এ সর্বকিছুই অপর এক অদৃশ্য জগতের প্রতিচ্ছবি, ভাবনার প্রতিফলন মাত্র। শব্দের নির্দেশ যদি আলিখিত নৈশব্দ্যের দিকে হয়, তাহলে দৃশ্যের নির্দেশও অদৃশ্যের দিকে, ভাষার ভাবনার দিকে। কাল রাতের ভাবনা, শেখর এবার লক্ষ্য করে, আজ সকালেও তার মাথায় জেঁকে বসে আছে। একের পর এক এইসব ভাবনার ভাঁজ সে এখন নিশ্চক্ষে খুলে যাবে, খুলে দূর থেকে লক্ষ্য করবে। নিজের ভাবনাকে দূর থেকে লক্ষ্য করা, শেখরকে প্রায় নেশার মতো পেয়ে বসেছে। তার তো আর বেশি সময় নেই। ‘বয়স তোমার কতো?’ সে নিজেকে প্রশ্ন করে প্রায়ই, ‘মুখ কেন শ্লান?’ হ্যাঁ, মুখ তার শ্লান থাকে প্রায়ই। অনেক ভালোবাসাবাসি হ’লো, ঢের প্রণয় হ’লো, তবু প্রেম হ’লো কি? কী জানি কী হ’লো।

কোম্পানীর অবস্থা খারাপ হওয়ায় চাকরি যাওয়ার আগেই সে স্বেচ্ছায় অবসর নিয়েছে। সোঁদীন আর্টিস্ট শচীনকে সঙ্গে দেখা। মদ্যপান, শচীন, খুব ভালোই রপ্ত করেছে, যদিও আর্ট কতটা তার জবাব স্বয়ং মহাকালই দেবেন। কলেজ স্ট্রীটে চায়ের দোকানে কাঠের বেঞ্চিতে বসে শ্লানমুখ শেখরকে ভাঁড়ের চা খেতে দেখে, সে চোখ মটকে বলে, ‘কী হে, তুমি নাকি চাকরি ছাড়োনি, ভলান্টারি রিটার্নমেন্ট নিয়েছো?’

‘ঠিকই শুনিয়েছো,’ সভয়ে বলে শেখর।

‘আরে ছো ছো রিটার্নমেন্ট! তা-ও ভলান্টারি! সে-ই চাকরিও করলে না, আবার

ছাড়ার সাহস-ও দেখালেনা ! এই যে আমি প্রভিডেন্ট ফান্ড থেকে লাখ দেড়েক আর সবকিছু মিলিয়ে লাখ তিনেক টাকা নিয়ে লাথি মেরে চাকরি ছেড়ে দিলাম—এবার দেখো—

‘তা তুমি পারবে, তোমরা প্রতিভাবান, আমি... আমি... আমি তো প্রভিডেন্ট ফান্ডের মুখই দেখতে পেলাম না—ধার নিতে নিতে শেষকালে দেখলাম কয়েক হাজারে এসে দাঁড়িয়েছে—কোনোমতে সভয়ে সলজ্জ কথা শেষ করে শেখর।

‘ধার?’ প্রায় হৃৎকার ছেড়ে শচীন জ্বলন্ত চোখে শেখরের দিকে তাকায় ; তারপর প্রচণ্ড ঘৃণায় ও ততোধিক তাকিচ্ছিলো, বোতল হিপ পকেটে পুরে দ্রুত ফুটপাথ পেরিয়ে যায়।

তবু শচীনকে বিচার করতে চায়না শেখর। এক বহুজাতিক রণকোম্পানীর বিজ্ঞাপন আঁকার লোভনীয় চাকরি ছেড়ে আজ শচীন যদি অদৃশ্যের গহ্বরে ঝাঁপ দিয়ে কিছু দৃশ্য তুলে আনতে চায় তো আনুক না। এ-ও তো এক প্রার্থনা, যা ঘাস থেকে শালবন থেকে হাওয়ার স্রোতের মতো উঠে চলে যায় নক্ষত্রের আগুন লক্ষ্য করে। সেও কি তা চায়নি? নাকি বড় দেরিতে সে এসব ভাবছে। টাকার মোটা অঙ্কটা প্রায় সবই খোয়া গেছে শেয়ারমার্কেটের দুই জোচ্ছোরের পাল্লায় পড়ে। তারপর বাড়ির আর কারও সঙ্গেই বিশেষ বাক্যালাপ নেই। খাওয়াদাওয়ার পাট বাইরে, কিছু টাকা কোনোমতে এখান ওখান থেকে যোগাড় করে বাড়িতে দেয়, কেউ তাকে খেতেও ডাকে না। ভালোই হয়েছে, নিজেই মাঝে মাঝে চা-কফি করে নেয়। কীভাবে, কতদিন এভাবে চলবে তাও জানে না। এই অবসর, যা সে ভেবেছিল কিছুটা লিখে, কিছুটা ভেবে, কিছুটা শুশ্রূষা হ’য়ে থেকে কাটিয়ে দেবে; তা আর সেভাবে পারল কোথায়? একসময় তারও গল্প-উপন্যাস লেখার সাধ যে ছিল না, তা নয়; অনেকটা সমঝাভাব, অনেকটা রক্তক্লান্ত অবসাদ, কিছু ঘৃণা, কিছু তিক্ত আত্মালোচনা, কিছু শরীর ও ইচ্ছার অপরিণামদর্শী ক্ষয়, কিছু আত্মকলহ ও সংশয় এইসব আস্তে আস্তে দীর্ঘ বিশবছর ধরে তাকে ফেঁড়ে দেয়ার পর কিছুই হ’ল না তার। কিছু হওয়ার কথা ছিল কি?

মনে আছে, কেপ কমোরিনের কথা। ঐ অন্তরীপ থেকে সামান্য দূরে, সমুদ্রের ভিতর থেকে উঠে আসা ছোট্ট একটা ন্যাড়া পাহাড়ের ওপর এক স্মৃতিসৌধের নিচের প্রকোষ্ঠে ঢুকে কিছুক্ষণের মধ্যেই গুহার অন্ধকারে তুমুল হাওয়া, জলোচ্ছ্বাস আর ঢেউয়ের অবিরাম ধ্বনি-প্রতিধ্বনির ধাক্কায় বিদীর্ণ হয়ে যেতে যেতে নিজেকে মনে হয়েছিল তার, অনন্ত আঁধারের কালো স্রোতে ভেসে যাওয়া এক কণা উজ্জ্বল সোনালি। এতবছর পর, এই প্রথম নিজের ভেতর কোথাও কোনো আলো ছিল, আলো আছে তা টের পেয়েছিল শেখর। চারপাশের সমুদ্র আর হাওয়ার গভীর ধ্বনি-প্রতিধ্বনির ধাক্কায় কাঁপতে থাকা ঐ অন্ধকার গুহায় এক জ্যোতির্ময় স্পন্দন যেন সৌন্দর্য তার শরীরময় ছাড়িয়ে পড়েছিল, ঐ এককণা উজ্জ্বল আলো আর স্পন্দন শরীরে নিয়ে সৌন্দর্য ফিরে এসেছিল শেখর তার হোটেলে। জানালার সামনে দক্ষিণের আকাশে তুলারারিশ উজ্জ্বল

দুই নক্ষত্র সীমাহীন অন্ধকার জলের উপর জ্বলতে জ্বলতে পশ্চিমের ঢালু আকাশ বেয়ে নেমে যেত দিগন্তের নীচে অশ্রুর দুই উজ্জ্বল ফোঁটার মতো, মাতৃতীর্থের কালো পাথরে তৈরি কারুকার্যখচিত দীর্ঘ নির্জন তোরণ দেখে সে ভাবত কোথায় চলেছে এই উদ্বেগ অপার নক্ষত্রলোক, কোন ভাষার অতীত, শব্দ-নৈশব্দের অতীত অব্যক্তের অন্তস্থলে। তুতিকোরিনের সমুদ্রোপকূলে মাইল মাইল অন্ধকারে জ্বলতে থাকা একের পর এক নুনের স্তূপ দেখে মনে পড়েছিল বিস্মৃতির অন্ধকারে কোথাও এইভাবে পরপর ঘটনার সার নিঃশব্দে জেগে আছে; যেন ঐ আকাশ, ঐ সমুদ্র একাকার হয়ে ভেঙে পড়ছে বিশাল এক ঘূর্ণ্যমান বলয় পেরিয়ে অদৃশ্য অতল এক গহবরের ভিতর—সময় যেখানে নেই, আলো যেখানে নেই, স্থানকাল নেই, স্থানকালের বস্কিম জ্যামিতি যেখানে নেই, কিছু নেই, শুধু হওয়া-না-হওয়া যেখানে একাকার হয়ে একটি বিন্দুতে মিশে উধাও হয়ে গেছে কোন অজ্ঞের রহস্যলোকে—এরকমই কি তার মাথা—এক অদৃশ্য গহবর হয়ে জেগে আছে, মহাকাশে নয়—এই ভাঁড়, ইস্পাত আর কংক্রীটের মাইল মাইল প্রান্তরে...চারপাশ থেকে শুধু আলো শুধু নিয়ে অন্ধকার হয়ে থাকা, গতি সংঘর্ষ শক্তি স্পন্দন শুধু নিয়ে স্তব্ধ হয়ে থাকা, এই তার কাজ, এই তার পরিণাম...

অথচ, এও ঠিক যে, তার মাথায় এককণা সৈনালি—সে টের পায়—ঘুরে চলেছে। কখনো দীর্ঘ রশ্মি পাঠিয়ে সে নেমে আসে ঝর্ণার মতো, কখনো ফোয়ারার মতো উঠে যায়; শরীরের ভেতর আরেক শরীর, অথচ এ শরীর নয়, শুধু এককণা আলো; শুধু ঢেউ। কী এ? সেকালের কোনো শ্যামলী শক্তি? প্রাচীন লুপ্ত পূজাবিধির? উন্মাদ হয়ে যাচ্ছে নাকি সে? অন্তত সন্তোষকে বললে সে যে তা-ই বলবে তা ঠিক।

একসময় সন্তোষদের সঙ্গে সে আড্ডা মারত শ্মশানের পাশে কালীবাবুর চায়ের দোকানে। দোকানের পাশে, মানে ঠিক পাশেই নয়, দোকানের ধার দিয়ে একটা রাস্তা, রাস্তার ওপাশে কিছু পাম, সুপারি ও ফুলগাছ লাগানো ছোট্ট একটা মাঠ। কিংবা ঠিক মাঠ নয়, মাঠকে বাগান বানিয়ে তোলার চেষ্টা কিছুদিন চালিয়ে যাওয়ার পর হাল ছেড়ে দিলে যা হয়, তা-ই। মানে মাঠ ও বাগানের মাঝামাঝি একটা আধাখ্যাচড়া অবস্থা। তারই পাশে, একদিকে, ইলেকট্রিক চুল্লী, অন্যদিকে সনাতন কাঠের চিতা। এই চিতার আগুনই, রাত্রি, শেখরদের আড্ডা থেকে চোখে পড়ত। একেকদিন আড্ডার মাঝখানে উঠে গিয়ে সে লক্ষ্য করেছে ইলেকট্রিক চুল্লীর দোরগোড়ায় তেমন ভাঁড় নেই, বাবু খোয়া যাওয়ায় জায়গাটা অন্ধকার, আর অন্ধকারেই বিনীতভাবে খাটিন্ধায় শূন্যে আছে কিছু প্রায়-নিরুপায় পরিত্যক্ত শব। কোনোদিন তির্তিবরন্ত বন্ধের শব, কোনোদিন হাসিমুখ বালক, কোনোদিন বা শান্তিবিষয় মৃদুদন্তচ্চন্দ্র ত্রুণী, কোনোদিন বা মাথায় ভয়াল ব্যান্ডেজ বাঁধা একরোখা ত্রুণ। মনথারাপ করার কথা নয়, উদাসীন হওয়ারও কথা নয়। শুধু দৈনন্দিন জীবনের জগতের পাশে মৃতের সমান্তরাল সমাবেশ, ঘুম ও জাগরণের মতো, অথবা দুই গোলাধ্বের মতো, পরস্পরকে ছুঁয়ে রয়েছে। আন্ডায় ফিরে আসার পর অবশ্য বোঝা যায় সবই ঠিক আছে, 'নিজ্ঞান মন ব'লে কিছু নেই',

সন্তোষ বলে চলেছে, ‘সার্থ’-এর মতো তা হচ্ছে প্রকাশ্য দিবালোকে খুন হওয়ার মতো। মানে রহস্য আছে তবে তা ভেদ করা যায় গোয়েন্দার মতো একের পর এক যুক্তির সূত্র সাজিয়ে।’

এদিকে নতুন মড়া এসে যাওয়ার দোকানে তোলালে ও গামছা কাঁধে ছোকরা খন্দেরদের ভীড় বাড়ে, ধার-বাকীর খন্দেরদের দিক থেকে নজর ফিরিয়ে কালীবাবুর ছেলে এবার নগদ খন্দেরদের দিকে মন দেয়। কালীবাবুর ছেলেকে নিয়েই ঝামেলা। কালীবাবু মাঝে মাঝে হঠাৎই উধাও হয়ে যান, অনেকদিন পর শোনা যায় তিনি অমরক মহাশ্মশানে সাধনা করছেন। আবার কিছুদিন পর তাঁর আবির্ভাব, গলায় রক্তাক্তের মালা, রক্তচক্ষু, অতি সমাদরে সকলকে ধুধু চা নয়, কারণবারি ধ্বারাও আপ্যায়ন করেন। সঙ্গে গঞ্জিকা তো আছেই। যে কোনো শ্মশানের ধারে আড্ডা মারার এই এক সুবিধে। তবে এ সুবিধে বেশীদিন থাকে না, আড্ডাও নয়। সন্তোষের কথা ভাবতে গিয়েই আড্ডার কথা মনে পড়ে শেখরের। গুরু সাধনা থেকে ফেরার পর রক্তচক্ষু কালীবাবু মাঝে মাঝেই গঞ্জিকার কলকে আড্ডার দিকে বাড়িয়ে দিয়ে বলতেন, ‘এ মহাশ্মশানে কে আয় আসবে, রামকন্ঠের মতো মা’র সেবক ছাড়া—’ সন্তোষ নিরন্তর তাঁর হাত থেকে গঞ্জিকার কলকে টেনে নিয়ে যথোচিত গাভীর্ষে সেবন করার পর কালীবাবুকে ফেরৎ দিয়ে ফিফিফিশ করে শেখরকে বলত, ‘বুলগিট! রামকন্ঠের আসলে মৃগীরোগ ছিল, ওসব সমাধিফমাধি হচ্ছে এপিলেপটিক ফিট।’

ঠিক এহেন সন্তোষকে, তার মাথায় ঘুরন্ত সোনালি আলোর ঝর্ণার কথা বললে যে কী মারাত্মক ফল হ’তে পারে তা আর বলার দরকার নেই। একবার, তবু শেখর চেষ্টা করেছিল, ‘আমার মাথায় ; মানে কানের পাশটায়, ঘাড়ের কাছাকাছি, একটা কেমন যেন চিনচিন, ভাইব্রেশন...’

‘ভাইব্রেশন?’ খুবই উদ্ভ্রাণ মুখে তাকায় সন্তোষ, ‘এখনি ই এন টি স্পেশালিস্ট ডক্টর সান্যালকে দেখাও, কানের ভেতর কিছুর হ’তে পারে, আবার লো-প্রেশারও হ’তে পারে।’

‘আমার মনে হচ্ছে...মানে অন্য কিছুর হ’তে পারে...’ সভয়ে বলে শেখর।

‘অন্য কিছুর?’ চাপা হৃৎকার ছাড়ে সন্তোষ, ‘তাহলে ইমিডিয়েটলি নবীনের কাছে যাও, ও বিহেভিয়ারিস্ট—ওরা ড্রাগ দিয়ে সব মানসিক বিকার সারিয়ে দেয়। আমেরিকায় তো এসব হ’লেই লোককে পাগলা গারদে পাঠায়।’

‘যেমন গাঁসবাগ’কে পাঠিয়েছিল—ব্রেকের গলা শোনার জন্য?’

‘তোমারও তাই হচ্ছে নাকি?’ ঠা-ঠা ক’রে হেসে ওঠে সন্তোষ, ‘যাও যাও বাড়ি যাও, ভাল ক’রে ঠান্ডা জলে স্নান সেরে একটা ঘুম দিয়ে এসো দেখি—পেট টেট পরিষ্কার আছে তো—’

‘আচ্ছা আজ তাহলে।’ শেখর উঠে দাঁড়ায়। ‘ঠিক আছে, এসো’, বলে সন্তোষকে সষস্ক দরজা পর্যন্ত এগিয়ে দেয়, পারলে যে তাকে ঘোলা কিংবা রাঁচী পর্যন্ত এভাবে

পেঁপীছে দেবে তাতে অবশ্য সন্দেহ নেই।

কাজেই নিঃশব্দে, বন্ধুবান্ধব প্রায় সকলের কাছ থেকে স'রে এসে শেখর এখন একা তার নিজের মাথা আর শরীর লক্ষ্য করে।

মাঝে মাঝে মনে হয় এই যে ঘর, তার জানালা, চেয়ার টেবিল বিছানা—এসব কি এই প্রথম দেখছে সে? মহাসময় পেরিয়ে বীজ হ'য়ে এই প্রথম সে কি মাতৃগর্ভে ভেসে এসেছিল? এই দিন ও রাত্রি, আলো-অন্ধকারের অবিরাম যাতায়াতের ভেতর, এক মধ্যবয়স্ক নক্ষত্রের স্থানকালের বস্কিম জ্যামিতির ভেতর ঘুরতে থাকা স্পন্দমান এই গ্রহের পিঠে কোথা থেকে ভেসে এলো সে?

অন্য কোনো মহাবিশ্বলোকে, নক্ষত্রলোকে সে কি ছিলো কোনোদিন, অন্য কোনো শরীরে? যদি কোনো সুপারনোভা নক্ষত্রের বিস্ফোরণে এই সৌরলোকের সৃষ্টি হ'য়ে থাকে, তবে তো বহুদূর নক্ষত্রলোকের পরমাণু আছে তার শরীরে যেমন চারশকোটি বছর আগে এ-গ্রহে প্রাণের আবির্ভাবের পর যে এককোষী প্রাণী প্রোক্যারিয়টের আবির্ভাব ঘটেছিল, সেই একই জীবাণু তার শরীরে আছে জীবকোষের শক্তিকেন্দ্রে মিটোকোনড্রিয়া হিসেবে। পরমাণু, ধাতু, খনিজপদার্থ, জীবাণু, মাছ, উদ্ভিদ, পশু আর সমুদ্রের নুন দিয়ে গড়া তার রক্তমাংস শরীরে যেমন এসব কিছুর তরঙ্গকম্পন ব'য়ে চলেছে, তেমনই নক্ষত্রচুল্লীর আগুন, মহাবিশ্বলোক সৃষ্টির আদিম ঢেউ, এমনকি তারও আগেকার আদিমতম অপার নিঃশব্দ তরঙ্গ তার রক্তস্রোতে নেই, মাথার নিউরোন বিস্ফোরণে নেই, নিস্তর্জন স্বপ্নের জগতে নেই, জাগরণে নেই, এমন কথা কে জোর করে বলবে?

নক্ষত্রের পানে যেতে যেতে

পথ ভুলে বারবার পৃথিবীর ক্ষেতে

জন্মিতেছি আমি এক সবুজ ফসল

এক নক্ষত্রলোক থেকে অপর নক্ষত্রলোকে অনন্ত রাত্রির ভিতর ভেসে যেতে যেতে কোন নির্জন বীজ থেকে নেমে এসেছিল সে, শেখর? 'না না, এ ঠিক নয়,' সন্তোষ প্রবলভাবে ঘাড় নেড়েছিল সেদিন, 'জীবনানন্দের ইতিহাসচেতনাটা আগে বোঝো। তা না তুমি বলছ নক্ষত্রচেতনা,—'

'কবির তো ইতিহাসচেতনা থাকবেই, তবে শুধু তাই নয়, তার পাশাপাশি মহাবিশ্ব চেতনা আর কি', বেশ সলজ্জে বলে শেখর, 'কবিতার পর কবিতায় নক্ষত্রের কথা, নিশ্চয়ই জীবনানন্দ জ্যোতিষে বিশ্বাস করতেন না, মানে এ্যাস্ট্রোলজিতে আর কী! আবার নিছক এ্যাস্ট্রোনমি-ও নয়, আবার নিছক ইতিহাসেও কি হবে? ঐ হাজার হাজার শূকর শূকরীর আত'নাদ, যদিও দাঙ্গার কথা আছে, আহিরীটোলা; ভিকিরি, মহাষুন্ধের কথা আছে—কিন্তু সে সবই বোধহয় নক্ষত্রের পথে যেতে যেতে—'

'পথ ভুলে পৃথিবীর ক্ষেতে আসা?' সন্তোষ বেশ গম্ভীরভাবে বলে।

'হ'তে পারে, মানে ইতিহাস স্তব্ধ হ'লে, তার অন্ধকার ও স্তব্ধতায় একাটি মোমের মতো যেন—'

‘জ্বলে ওঠে হৃদয় ? না না মিস্টাইফাই ক’রো না, জীবনানন্দে মিস্টিসিজম নেই।’

‘নেই ?’

‘থাকলেও ক্ষতিকর ভাবে নেই।’

‘তাহলে বোধহয় ভুল বুদ্ধে সুধীন্দ্রনাথ বিষ্ণু দে মশাইরা অনেকদিন ভদ্রলোককে একঘরে ক’রে রেখেছিলেন।’

‘যা ভুল হয়েছে তা হয়েছে। এখন নতুন ক’রে ভাবতে হবে। পুনর্ভাবনা। ইতিহাস আর ‘সমগ্র’র দিক থেকে নতুনভাবে ভাবতে হবে।’

‘লোকসমগ্র ?’ শেখর ভয়ে ভয়ে জিজ্ঞেস করে।

‘তাছাড়া আর ‘সমগ্র’ কিছুর আছে ?’

‘নেই ? মানে সেই যে রবীন্দ্রনাথের বইয়ে পড়া যায় উদ্ভেদ অমৃতলোকে তাঁর তিনভাগ আর বাকী একভাগ পৃথিবীতে। নইলে শ্রুত লোকসমগ্র শেষকালে হিটলার-সমগ্র হ’লে যেতে পারে তো...আচ্ছা থাক সেটা নয় বাদই দেয়া গেল। কিন্তু লোকসমাজ তো আছে পৃথিবীতে, অবশ্য অন্য গ্রহেও থাকতে পারে—কিন্তু সে থাক, পৃথিবী আছে আমাদের সৌরমণ্ডলে, সৌরমণ্ডল আছে আমাদের গ্যালাক্সিতে আর গ্যালাক্সি—মানে এরকম কোটি কোটি গ্যালাক্সি আছে আমাদের মহাবিশ্বে—’

‘আঃ থামো !’ সন্তোষ হাত নেড়ে থামিয়ে দেয় শেখরের বাচালতা, ‘এই মহাবিশ্বেরও ইতিহাস আছে, এমনকি সময়েরও। মানে সময়ের ইতিহাস আছে জানো ?’

‘হ্যাঁ, হ্যাঁ শুনতে পাচ্ছি আজকাল’, শেখর সন্তুর্ণণে বলে, মানে প্রায় হাজার বা দশহাজার কোটি বছর আগে কোনো একটা সময় হঠাৎ ‘সময়’ পাল্টে গেছিল স্থান, মানে স্পেসে, তারপর স্পেসটা হঠাৎ ফুলে ফেঁপে—’

‘হ্যাঁ, হ্যাঁ তা-ই, তাহলে আর মহাবিশ্বের শুরুর বা শেষ কোথায় ? যেমন উত্তর মেরুর বা দক্ষিণ মেরুর—এর কোন জায়গা থেকে পৃথিবীর শুরুর বা শেষ ? একে বলে নো বাউন্ডারী সিচুয়েশন, স্নেলকমই মহাবিশ্বের কোনো শুরুর নেই, চিরকাল ‘ছিল’—অবশ্য কাল্পনিক সময়ে—মানে অঙ্কের একটা বিশেষ কায়দায়।’

‘তাহলে বাস্তবে ?—মানে বাস্তবে বিশ্বের শুরুরই হয়নি ?’ শেখর ভয়ে ভয়ে বলে।

‘ওসব জটিল অঙ্কের ব্যাপার, তুমি বুঝবে না। বাস্তবে শুরুর হয়েছিল—শেষও হবে—তবে তাতে কিছু এসে যায় না। শুরুর অঙ্কের হিসেবে এর শুরুর বা শেষ নেই।’ সন্তোষকে নিশ্চিত দেখায়।

‘বলো কী ? কল্পনা আর বাস্তব সব একাকার হ’য়ে গেল যে—মানে দেখা যাচ্ছে কল্পনাই বেশি সত্য।’

‘ওসব অঙ্কের ব্যাপার—জটিল অঙ্কের ব্যাপার—সন্তোষ গভীর তৃপ্তির সঙ্গে বলে, ‘আর তাছাড়া এটা এখন নেহাতই প্রস্তাব—এর অঙ্ক এখনো চলছে, কিছু প্রমাণ হয়নি। কেউ সঠিকভাবে জানে না মহাবিশ্ব কীভাবে শুরুর হ’লো—’

‘তাই বলো।’ শেখর ধীরে ধীরে বলে, ‘আমি শূন্যে বিন্দু থেকে শুরুর হ’লে নাকি

বিজ্ঞানের সব নিয়মকানুন ভেঙে যায়—মানে যাকে নাকি দুর্লভ্য প্লাস্ক প্রাচীর বলে—যার ওপারে কোনো বিজ্ঞানের নিয়ম খাটে না—তাই ঐসব উত্তর মেরু দক্ষিণ মেরুর কথা হচ্ছে—’

‘এইসব নিয়ে তুমি আর মাথা নাইবা ঘামালে’, সন্তোষ বলে, ‘প্রিভিডেন্ট ফান্ডের টাকাটাই ঠিক মতো রাখতে পারলে না,—এখন আবার আমার খুব স্ট্রেনের মধ্যে চলছে—না না, তুমি যে ধারটা নিয়েছিলে, সেটার কথা ভাবছি না!’

‘আঃ বাঁচালে ভাই!’ শেখর উঠে পড়ে, আবার তার ভীড় আর ফুটপাথের ধার ঘেঁষে গাছগাছালির ভিতর দিয়ে হাঁটা শুরুর। কোথায় চলেছে সে? স্বপ্নের ভিতর দিয়েও তো সে এভাবে হেঁটেছে। মনে আছে একরাতে, স্বপ্নে, নিজের প্রায় প্রোট লোভী ক্ষয়ে যাওয়া পুড়ে যাওয়া মূখের সামনে নিজেরই আরেক দীপ্ত মুখ দেখেছিল, শেষকালে নিজেই গুলি করল আয়নার অপর পারের প্রোট মুখকে।

কল্পনা আর বাস্তবের মধ্যে যদি বিশেষ তফাৎ না থাকে, যদি গণিতের কাল্পনিক সংখ্যা দিয়ে গড়া যায় এমন বিশ্ব যা বাস্তবের সমান্তরালে অনেক বেশি সত্য হ’য়ে ওঠে, তাহলে জাগরণ আর ঘুমের মধ্যেও তেমন দূরত্ব রইল কোথায়, মৃত্যু ও জীবনের মধ্যেই বা তেমন কী? হয়ত স্বপ্নের জগতে তার সেই জননীর সঙ্গে দেখা হয়েছে, যে তার মৃত্যুর পর জননী হবে। শোনা যায় মহাকাশে এমন কিছু কালো গহ্বর আছে যেখানে সময় নেই, অতীত বর্তমান ভবিষ্যৎও নেই, হয়ত সেরকমই, সেরকমই সবাকছ একাকার হ’য়ে আছে কোথাও। ঐ কালো গহ্বরের চার পাশে ঘুরতে থাকে জ্যোতির্ময় এক বলয়, যাকে বলা হয় ‘ইভেন্ট হরাইজন’—ঘটনার দিবলয়—ঘটনার সার সেখানে সার বেঁধে দাঁড়িয়ে থাকে, কেননা তার সীমানা পেরোলেই আর কিছুই থাকে না, এমনকি সময়ও নয়।

সেরকমই আজ তার মাথার চার পাশে ঘটনার সার দাঁড়িয়ে রয়েছে যেন, শেখর টের পায়... কত বছর, কত শতাব্দী আগে? এই নক্ষত্রলোকে কী?...শীতের মাঝামাঝি হ’লেও বৃষ্টি কুয়াশায় ভরা ডিসেম্বরের দুপূর, কনকনে ঠাণ্ডা আর ঠাণ্ডা হাওয়ার ঝাপ্টার মাঝে মাঝে হা হা ক’রে উঠছে রাস্তাঘাট, গাছপালা। শ্যামবাজারে নামতেই শেখর দেখল সীতা, রক্তাভ শাল গায়, আনত মুখ, মাথায় ছোট একটা ছাতা—বৃক-স্টলের নিচে দাঁড়িয়ে।

বৃষ্টির ছাঁট থেকে কোনোমতে মাথাটা বাঁচিয়ে শেখর সীতার কাছে এগিয়ে যায়। তাকে দেখেই হঠাৎ চমকে ওঠে সীতা, ‘আপনি?’

‘এদিক দিয়ে যাচ্ছিলাম। আপনাকে দেখেই নেমে এলাম—ট্রাম থেকে।’ শেখর স্পষ্টভাবে বলে।

মুহূর্তের মধ্যে সীতার মুখে সামান্য রক্তাভ দেখা দিয়ে মিলিয়ে যায় : তবু মুখে নিছকই কৌতূহলী দৃষ্টি মেলে সে বলে, ‘কোথায় যাচ্ছিলেন?’

‘এ্যাকাডেমীতে, নীরদবাবুর ছবি...’

‘শেষ বসন্ত?’ সীতার মুখে কৌতুক।

‘বোধহয়।’

‘চলুন, আমি-ও যাই,’ সীতা এগিয়ে আসে।

‘প্রকাশ?’

‘এখানে নেই,’ সীতা স্থির গলায় বলে, ‘লন্ডনে পোস্টাল স্ট্রাইক চলছে—অনেকদিন কোনো চিঠিও নেই।’

‘চিঠি নিয়মিত লেখে?’

‘হ্যাঁ। নিয়মিত। আফ্রিকা, ভিয়েতনাম, আয়ারল্যান্ড এই সব নিয়ে আর কী। ব্যক্তিগত আবেগ ততটা গুরুত্বপূর্ণ নয়।’

‘বুঝেছি,’ বলে শেখর। তারপর তারা দুজনেই এগিয়ে যায়। ডবলডেকারে ওঠে। তারপর এ্যাকাডেমী। শীতের অপরাহ্নে, ক্যাস্‌ডরিনা এঁভিনিউ ফেরার সময় একটু আলোকিত হ’য়ে ওঠে, হঠাৎ মেঘ স’রে যাওয়ায়, বৃষ্টি থামায় সাকুলার রোডকে দেখায় বিদেশী পিকচার পোস্টকার্ডের ছবির মতো। তারপর ল্যান্সডাউন রোড ধ’রে রাসবিহারী। তখন কতো দীর্ঘ পথ হেঁটে গেছে তারা, শীত বর্ষা রোদ মাথার ওপর দিয়ে বয়ে গেছে—একবার রাসবিহারী এঁভিনিউর দু’পাশে গাছের সার হঠাৎ ঝড়ের আগেকার মেঘভাঙা আলোয় জ্বলে উঠছে দেখে সে ছুটে চ’লে গেছিল সীতাদের বাড়ি। দরজার কাছে পৌঁছনোর আগেই বড় বড় ফোঁটায় বৃষ্টি...মাটি থেকে ধোঁয়া উড়ছে সোঁদা গন্ধ উঠছে অনেকটা সীতার ঠোঁট, কখনো কখনো সমস্ত শরীর থেকে যেমন অদ্ভুত সুগন্ধ উঠে আসত।

আবার এক শীতের সকাল, কবে, কতবছর আগে মনে নেই...নীল ঝোলাকোট গায় সে চলেছে দাদুর হাত ধ’রে ইশকুলে—আজই ভর্তি হবে।

অসম্ভব ফর্সা, (তখন মনে হয়েছিল মুখে রঙ মাখা) মেয়েলি ধরনের এক মাস্টার মশায় বললেন, ‘স্লেটে নাম লেখো।’

নাম লিখতে গিয়ে একটা বানান ভুল করল, তবু তাতেই ভর্তি হওয়া গেল। পরে জেনেছিল, দেখেও ছিল, ঐ মাস্টারমশায় গোপেনবাবু মাস্টারমশায়দের নাটকে মেয়ে সাজেন। চমৎকার মানায়। তখন মফস্বলের যাত্রার দলে, নাটকের দলে ছেলেরা মেয়ে সাজে। ডিস্ট্রিক্ট লাইব্রেরির বাৎসরিক অনুষ্ঠানে যে সুন্দরী নায়িকাকে দেখে গোপন অনুভূতি (যদিও পুরুষালি গলায় মেয়েদের গান শুনলে স্বপ্নভঙ্গ) তাকেই একদিন দেখতে পায় দিবা চকচকে দাড়িগোঁফ কামানো মুখে শাদা সার্ট গায় পোস্ট-পিসের কাউন্টারে খামপোস্টকার্ড বিক্রিরত। দেখে যতটা স্তম্ভিত, প্রায় ততটাই হাসি। তবু মফস্বলের শীতকালে ঝরাপাতার স্তূপ গাছের সারির নিচে, ভোরের রৌদ্র কুয়াশায় মরশুমী ফুলের ভিড়, প্রজাপতির ওড়াউড়ি, পাখির ডাক, খেলা, চড়ুইভর্তি, শিউলিগাছে শূঁয়োপোকার পুরু আশ্রয়, শিশিরের ফোঁটায় তাদের ধূসর রেশম চকচক ক’রে ওঠে, সাবানের বাস্কে সারি সারি ফুটো ক’রে (নিঃশ্বাস নেয়ার জন্যে)

শব্দ'ম্রোপোকা পোষা, তারপর হঠাৎ একদিন তাদের ঝাঁকে ঝাঁকে প্রজাপতি হ'য়ে বাস্তু থেকে বেরিয়ে আসা, উড়ে যাওয়া গোল বারান্দার রেলিঙ থেকে। হাওয়ায় ফুলে ওঠা পালের মতো রঙিন শাড়ির ওড়াউড়ির মধ্য দিয়ে তাদের উড়ন্ত নীল সোনালি কালো ফুটকি দেয়া ঝলমলে পাখনার মিছিল...হয়ত শরীরও এভাবে একদিন পাণ্ডে যাবে আগুনের শিখায়; মানুষ পাণ্ডে যাবে আলোয়। উন্মাদ আশ্রমে বেশ কয়েকবার গেলেও আতোর বিশ্বাস এরকমই ছিল, নাটকের মধ্য দিয়ে এ-পরিবর্তন ঘটতে পারে। আতোর মেক্সিকো ভ্রমণ—ইনকা এ্যাজটেক মায়া লুপ্তপূজাবিধি পুনরাবিষ্কারের প্রাণান্তকর চেষ্টা—এসবই সৈদিকে যাওয়ার চেষ্টা। র্যাবো দেখেছিলেন একেকটি স্ববর্ণের একেক রঙ, এদেশেও অক্ষরকে বর্ণ বা রঙ হিসেবে দেখা হয়।

ইন্দ্রিয় বিপর্যয় নয়, ইন্দ্রিয়কে শুদ্ধ করতে পারলে অদৃশ্যকে দেখা, অশ্রুতকে শোনা, সম্ভব। এরকম ইংগিত শেখর পরে লক্ষ্য করেছিল এক রহস্যময় ভারতীয় বিপ্লবীর জীবনীগ্রন্থে, যিনি এদেশে সশস্ত্র অভ্যুত্থানের সূত্রপাত ঘটিয়ে পরে চলে যান শরীরে নিহিত আলোর অভ্যুত্থানের দিকে।

দক্ষিণের এক সমুদ্রোপকূলবর্তী ছোট্ট ঔপনিবেশিক শহরে ছিল সেই নিবাসিত বিপ্লবীর আশ্রানা, যা ক্রমশ নৈশগন্ধের অন্তস্থলে পৌঁছে নীলিমার একটি প্রদীপ থেকে সহস্র প্রদীপ জ্বালানোর আহ্বান পাঠায়। সে আহ্বান হয়ত বা আজো শোনা যায় কংক্রীটে বাঁধানো চত্বর, খিলান আর গুপ্তের সার পেরিয়ে অদূরের নীলাভ সবুজ ধু-ধু সমুদ্রের উত্তরোল কল্লোলে। চওড়া এর্ভিনউ, মাঝখানে বদলভার, সমুদ্রের মধ্যে এগিয়ে যাওয়া দীর্ঘ ব্রিজের সংলগ্ন জেট, যাকে স্থানীয় লোকেরা বলে 'হার্বার'। তখন শেখরের বোদলেয়ার মনে পড়েছিল বই কি :

I have long lived beneath the vast colonnades
Dyed by the suns marine with myriad lights
Their mighty pillars, splendid & erect
Basaltic grottoes every night displayed

আজ এতদিন পর আবার সেই কবিতার লাইন...হে সমুদ্র, মানুষের হৃদয়ও কি তোমার মতো নয়, একদিকে উত্তাল ঢেউয়ের নিচে অমেয় গহ্বর, অন্যদিকে অবিরাম উত্থান। স্বপ্নের মধ্যে কি একবার ভূমধ্যসাগর দেখেছিল শেখর, তার নীল জলরাশির পাশে শূন্য বাড়ি, জানালা, ঘরদোর, শূন্য স্ফটিকের বাড়ি, যা হাওয়ার সঙ্গে সঙ্গে ঘুরে যেতে পারে চারদিকে। অন্তত দুটি স্বপ্ন শেখরের মনে আছে, একটি এক আশ্চর্য নীলাভ নদী বা সমুদ্রের ভিতর কোনো প্রবাল স্বীপ, যার চারদিকে শূন্য নীল আলোর দ্ব্যতি, নীল শাদা ঢেউ আর ফেনার পুঞ্জ, প্রস্রবণ, ফোয়ারা আর স্রোতের খেলা—যতদূর দেখা যায় শূন্য আলো আর অনন্ত জলের খেলা—কিন্তু এতটুকুও ভয় করেনি তো!

আর দ্বিতীয়টি, নিশীথের গভীর অন্ধকারের ভিতর দিয়ে সে হেঁটে চলেছে এক গভীর

কালো পাহাড়ের চূড়ার দিকে। মধ্যরাত্রের বিশাল কালো, শূন্য নক্ষত্রের অসংখ্য স্থির অগ্নিশিখা নিঃশব্দে জ্বলে যাচ্ছে, চারদিক জনহীন, অথচ ভয়ের চিহ্নমাত্র কোথাও নেই, শূন্য একা সে হেঁটে যাচ্ছে পাহাড়ের খাঁজ বেয়ে চূড়ার দিকে; আরেকটু দূরেই যেন সীমান্ত, কীসের সীমান্ত? কীসের চূড়া? এসব স্বপ্ন আজো মনে পড়ে, হয়ত ঐ অনন্ত নীল আলোর ঢেউ ও প্রস্রবণে অতি চেতনার ইঙ্গিত, হয়ত মধ্যরাত্রির গভীর কালো পাহাড়ের চূড়ায় আছে অবচেতন, নিঃসঙ্গ মৃত্যুর সীমান্তে স্তম্ভ উঠে যাওয়ার নির্দেশ।

The waves rolled heaven's likeness infinite
And merged in solemn mystic serenade
The rich and mighty harmonies they made
With all the sunset colours in my sight.

গুণের এভিনিউ আর জান দার্ক পাকের পাশ দিয়ে হেঁটে বেড়াত সে। সামনের সমুদ্রে মাছধরার লম্পের উড়ন্ত পতাকা কাঁপছে স্পন্দিত হৃদয়ের মতো, পাশেই কফি হাউস। তার খোলা ছাদে চেয়ার টেবিল পাতা। কফি খেতে খেতে চোখে পড়ে নিচেই সমুদ্র, এখন আর বাইরে থেকে জাহাজ আসে না। একসময় ফ্রান্স থেকে সোজা এখানে জাহাজ আসত। সেভাবেই এসে পৌঁছেছিলেন ভূমধ্যসাগরের প্রাচীন তীর থেকে এক পুণ্যনারী, যার স্বপ্ন ছিল নক্ষত্রলোক থেকে অথবা নক্ষত্রলোকের অতীত থেকে দিব্য আলোর গোলক পৃথিবীতে নেমে এসে তীর করবে এক আলোর উপনিবেশ।

মানচিত্রে আঁকা ভূলোক মোমের আলোর নিচে কত বড়, অথচ স্মৃতির ভিতর কত ছোটো—সকলেইতো কোনো না কোনো ভ্রমণে বেরোয়; কেউ স্মৃতিতে, কেউ স্বপ্নে, কেউ দেশভ্রমণে। কিন্তু শরীরের ভেতর আত্মার দিকে রয়েছে আরেক ভ্রমণ, জীবকোষের ভেতর রয়েছে তার অগ্ন্য, পাহাড়, সমুদ্র, গহ্বর। গহ্বরের ওপাশে আছে আরেক আলো, আরেক শহর, এক বহুমাণিক 'স্থান' সময় যেখানে নেই, অর্থাৎ মৃত্যু নেই; যেখানে সময় একাকার হ'য়ে আছে নিছক সম্ভাবনার মতোই স্থানের বর্ষিক অনন্তের ভিতর।

এই ভ্রমণ আত্মার মতো নাটকীয় নয়, কেননা নাটক নয়, আত্মনাদ নয়, শূন্য নৈঃশব্দের মধ্য দিয়ে, শরীরকে স্তম্ভ ক'রে নৌকো ভাসাতে হয়। মাথার ভেতর যে সোনারি ঝর্ণা নেমে আসে, তাই বেতার তরঙ্গের মতো দূর নিয়ন্ত্রণে ঐ নৌকো চালায়। কীভাবে চালায় হয়ত পাখিরা তা জানে, মাইল মাইল তুমারপ্রান্তরে রিজার্ভের তাড়া খেয়ে তারা উষ্ণমণ্ডলের দিকে চ'লে যায় :

কোথাও জীবন আছে—জীবনের স্বাদ রহিয়াছে/কোথাও নদীর জল রয়ে গেছে—/সাগরের তিতা ফেনা নয়,/খেলায় বলের মতো তাদের হৃদয়/এই জানিয়াছে ;—

কোথাও রয়েছে প'ড়ে শীত পিছে, আশ্বাসের কাছে

তারা আসিয়াছে।

অই দিকে শোনা যায় সমুদ্রের স্বর
স্কাইলাইট মাথার উপর,
আকাশে পাখিরা কথা কয় পরস্পর।

আজ এই বসন্তের রাতে, তাই, শেখরের ঘুম নেই। সে জেগে আছে। □